

水

地

記

水地記

淮水出桐柏山

淮水出桐柏縣西北胎簪山山去縣三十里即桐柏之枝巒也地志云縣西三十里有淮井石砌水池方七尺許有泉三處湧出即于池側伏流地中經六七里成川桐柏山在縣東一里南接隋州界西接襄陽界奇峰秀舉大復山在縣東三十里亦桐柏之繇亘漢志南陽郡平氏禹貢桐柏大復山在東南淮水所出東南至淮陵陰當作入海過郡四謂南陽汝南行三千二百四十里平氏故城在今桐柏縣西北四十里

水經淮水出南陽平氏縣胎簪山東北過桐栢山注

云山海經曰淮出餘山在朝陽東今新野縣西義鄉有朝陽故城

西即義鄉尚書導淮自桐栢風俗通曰南陽平氏縣桐

栢大復山在東南淮水所出也淮水與醴水同源俱

導西流為醴東流為淮潛流地下三十許里東出桐

栢之大復山南謂之陽口水南則復陽縣也閻駟言

復陽縣湖陽之樂鄉也元帝元延二年置在桐栢大

復山之陽故曰復陽也今桐栢縣東山南有淮源廟

故經云東北過桐栢也

東流九渡水出雞翅之山南來注之渚水西南來注之

淮水循山麓東流經信陽州北去州治四十五里九渡水出

州南雞翅山山去州治九十里亦呼雞頭山其水北

流迤東入于海今合于潞水潞水出隨州黃土山東北

流經信陽州賢首山西山在州西南七里有梁王壘

南齊建武二年魏遣劉昶攻義陽王廣之赴救去城

百里而軍別將蕭衍請先進率精兵間道夜發徑上

賢首山去魏軍數里魏人不敢逼梁天監二年魏元

英寇義陽司州刺史蔡道恭遣將楊由帥城外居民

保賢首山為三柵為魏所陷潞水又北屈而東南經

冥山北山在州東南七十里左氏春秋大隧直轅冥

阨胥在是間吳師自豫章與楚夾漢左司戎謂子常
曰子沿漢而與之上下我悉方城外以毀其舟還塞
大隧直轅冥阨子濟漢而伐之我自後擊之必大敗
之七國時魏公子無忌說安釐王曰秦伐楚道涉山
谷行三千里而攻冥阨之塞所行甚遠所攻甚難三
隘道又統謂之城口楚子皇言塞城口而還是也南
北朝時義陽三關為保淮西險要西曰平靖關西北
去信陽州九十里南去應山縣六十里即楚之冥阨
東曰武陽關西北去信陽州百五十里西南去應山
縣百三十里又名澧山關即楚之大隧南曰黃硯關

北去信陽州九十里南去應山縣亦九十里又名百

鴈關亦呼九里關即楚之直轅而義陽城在信陽州南四

十里梁天監二年魏將元英等攻義陽司州刺史蔡

道恭拒守三年道恭設義陽尋降于魏魏因改置郢

州治焉七年魏三關戍主侯登以城降梁梁司州刺

史馬儼理謀固三關使其將馬廣屯長簿胡丈起屯

松峴長簿在武陽關北八年魏元英將取三關至義

陽策之曰三關相須如左右手若克一關兩關不待

攻而破攻難不如攻易宜先攻東關武陽關在東又恐其

并力于東使李華向西關平靖在武陽之西故曰西關分其兵勢

英自督諸軍向東關至長簿長簿潰乃圍武陽克之
進攻黃峴及西關梁將皆走普通五年遣將李國興
攻魏平靖關楊乾攻武陽關及黃峴關克之進圍郢
州不克三關尋入于魏黃震有言彼得信陽將與我
分險而守營要坡以抗武陽關要坡在武陽營鷄頭以
抗平靖營石門以抗黃峴石門關山亦近是舉三關棄
之也淝水又東迤北注于淮
水經注又東逕義陽縣縣南對固成山山有水注流
數丈洪濤灌山遂成巨井謂之石泉水北流注于淮
淮水又逕義陽縣故城南義陽郡治也世謂之白茅

城其城圓而不方閩駟言晉太始中割南陽東鄙之

安昌平林平氏義陽四縣置義陽郡于安昌城在今

州東北有九渡水注之水出鷄翅山溪澗潯委沿溯

九渡溪之東山有一水發自山椒下數丈素湍直注

頽波委堅可數百丈望之若霏幅練矣下注九渡水

九渡水又北流注于淮

水經淮水章東過江夏平春縣北注云淮水又東油

水出縣西南油溪東北流逕平春縣故城南城在州

太原中改又東曲岍北有一土穴徑尺泉流下注沿

波三丈入于油水亂流南屈又東北注于淮淮水又

東北逕城陽縣故城南魏城陽郡治又東北大木水

出大木山

在州南山

山即晉車騎將軍祖逖自陳留將

家避所居也

山逖字士雅後因以名其水

東逕成縣北

而東入于淮淮水又東北流左會湖水傍川西南出

窮谷得其源也淮水又東逕安陽縣故城南江國也

羸姓今其地有江亭淮水又東潝水南出大潰山東

北流翼帶三川亂流北注又北逕賢首山西又北出

東南屈逕仁順城南故義陽郡治分南陽置也

在信陽州

南本治在石城山上因梁希侵逼徙治此城齊司州

刺史馬鮮卑不守魏置郢州也潝水東南流歷金山

北山無樹木峻峭層峙又東逕義陽故城北城在山
上因倚陵巔周迴三里是郡昔所舊治城城南十五
步對門有天井周百餘步深丈東逕鍾武故城南在
東又東逕石城山北山甚高峻史記曰魏攻冥阨音
義曰冥阨或言在郾縣箱山也按呂氏春秋九塞其
一也潁水逕郾縣故城南城在羅山縣西又東逕七
井岡南又東北注于淮

東經戈山之陰

淮水又東逕碓山縣南去縣治四十里羅山縣北去縣治二十里又
東經真陽縣南去縣治八十里又東經息縣南去縣治五里戈山北

山南去光山縣八十里

水經注淮水又東至谷口谷水南出鮮金山北流至

瑟水出西南具山東北逕光淹城東而北逕青山東

羅山西東北流注于谷水谷水東北入淮水

水經淮水章又東逕當作新息縣南注云淮水東逕

故息城南春秋鄭息有違言者也城在今息縣又東

逕浮光山北亦曰扶光山即戈山也又南七里又東

亦呼濮逕新息縣故城南應邵曰息後徙東故加新

也謂自西又東慎水出慎陽縣西而東逕慎陽縣故

城南城在今正陽縣北四十里顏師古曰慎字本作

漢音真後誤為慎耳今猶有真邱真陽縣字注

單作真知其音不改也閩顯云未
平五年失印更刻遂誤以水為心又東流積為雉陂
陂水又東南流為上慎陂又東為中慎陂又東南為
下慎陂皆與鴻却陂水散流其陂首受淮川左結鴻
陂漢成帝時翟方進奏毀之建武中汝南太守鄧晨
欲脩復之知許偉君曉知水脈召與議之偉君言成
帝用方進言毀之是後民失其利遂署都水掾起塘
四百餘里百姓得其利陂水散流下合慎水而東南
逕息城北又東南入淮謂之慎口淮水又東陂水上
承中陂于新息縣北東南流分為二水一水逕深邱
西又屈逕其南南派為蓮湖水南流注于淮淮水又

左逖流結兩湖謂之東西蓮湖淮水又東右合壑水
水出白沙山東北逖柴亭西俗謂之柴水又東北流
潭溪水發潭谷東北流右合柴水柴水又東逖黃城
西故戈陽縣也城內有二城西即黃城也柴水又東
北入于淮謂之柴口也淮水東北申陂枝水首受陂
水于深邱北東逖釣臺南臺在水曲之中臺北有琴
臺又東逖陽亭南東南合于淮淮水又東逖淮陰亭
北又東逖白城南楚白公勝之邑也縣在今息東北去
白亭十里淮水又東逖長陵戍南又東青陂水分青
陂東瀆陂在新蔡縣西南東南逖白亭西又南于長陵戍東

東南入淮

又東黃武山水陵山之水西南來合流注之

又東經光州北

主州治六十七里

黃水出麻城縣西北黃武

山東北流水陵關水出縣西北水陵山山去縣八十

里山上有關城自關北至光山縣百三十里宋史李

埴奏復五關言水陵關山路峭壁委折而上是也亦作

穆陵其水西北注于黃水黃水又東北經光山縣南

去縣治俗呼官渡河又東北縣南百里金泉山之水

俗呼梅林河東北流注黃水黃水又東北經光州城

西北入城東出昔時引渠資溉黃水自城東屈而北

注于淮

水經注淮水又東北黃水出黃武山東北流水陵關

水導水陵山西北流注于黃水黃水又東逕晉西陽

城南在光山縣西又東逕南光城南光郡治又東北

逕弦城南故弦國也在今光州西南又東北逕戈陽郡北魏

郡其故城在東有虞邱又東北入于淮謂之黃口淮

水又東北逕褒信縣故城南而東注褒信城在息縣東北七十里值

光州之北

東得汝口

淮水又東北經固始縣北去縣治潁水出麻城縣山

中北流經光州西南陰光關關在長風城之北亦曰
南關梁天監中魏田孟宗議取義陽曰二豫之軍直
指南關者也唐史陰山關在黃州麻城縣東北地境
相接矣又東北經州東去州治三十里又東經固始縣南又
東北入于淮淮水又東北經朱臯鎮南汝水注之元
至正十一年劉福通攻潁州據朱臯攻羅山上蔡等
縣是也在固始縣東北六十里阜陽縣南百二十里
水經又東過期思縣北注云縣故蔣國周公之後也
楚滅之以為縣城之西北隅有楚相孫叔敖廟淮水
又東北潁水出戈陽縣南垂山西北流歷陰山關逕

二城間西北出山又東北流逕新城戍東又東北得

詔虞水口西北去戈陽虞邱郭二十五里水出南山

東北流逕詔虞亭東而北入潁水又東北注淮俗曰

白鷺水方輿紀要光州白露河在州東三十里源出

縣界舊志云源出麻城縣之分水嶺北流又東入固始

而東北出國始縣春河在縣南十五里出商城縣馬

羣山東流入淮白露河在縣西南三里出商城縣馬

合于春河有白露河土壩天旱則築壩障水入王境入

人等港灌湖水經淮水章東過原鹿縣南汝水從西北來注之注

云縣即春秋鹿上也有今太和縣西

又東決水灌水西南來合流注之

淮水又東經霍邱縣北三十里治決水出縣西南巴山

漢志六安國安豐禹貢大別山在西南廬江卽雩婁

決水北至蓼入淮許叔重說文解字曰廬江有決水

出于大別山今縣西南八十里有雩婁城左氏春秋

楚使蘧啟疆待命于雩婁以備吳者也其南卽大別

山班孟堅以為禹貢之大別非也巴水與決水同出

是山南北分流亦呼分水山決水北流經給縣西而

西北注後代謂之史水劉宋元嘉二十五年以豫州蠻戶置史水縣在今霍邱縣

北水有二源出商城縣南大小牛山山去縣治七十

里二川雙導行六十里而合東北經固始縣南主縣治五

十引資灌漑志云史河入境分為二支上一支曰清
里一名清河中開承上開為啟閘今入勝湖共灌塘堰
一有六二下一夫曰堪河在縣東北蔣家身分澤舊
亦有閘二日普患曰均利共灌湖壩十里又東北經縣
有六縣治又東北商城縣西南十里解山之水北流
東去縣十里又東北商城縣西南十里解山之水北流
經縣西北為潭曰龍潭又北經固始縣西去縣治又
東北經縣北而東注于史水俗呼曲河方與紀要同
地名石嘴頭天旱則築以障水東入中子等壩灌湖
壩十有四至九里溝灌湖壩二十有八余總善曰西
淤石嘴頭而勝湖一帶之水源塞北洪三又口而堪
河之清惠均利二開塞邑之水利十失六七矣
史水又東經霍邱縣西右合決水蓋山源遠溯川流
同注故互受通稱灌水出商城縣東大蘓山山去縣

治四十里東北流經固始縣南十五里治又東北逕霍邱縣故蓼城西而北注于決水城在縣西北與固始縣接境漢志六安國蓼故國皋陶後為楚所滅廬江郡下云金蘭西北有東陵淮水出金蘭故縣名淮當作灌轉寫訛失耳決水又北入于淮

水經次水出廬江雩婁縣南大別山注云俗名之為檀山峴蓋大別之異名也其水歷山委注而絡其縣也

水經北過其縣東注云縣故吳地春秋左傳楚子秦人侵吳及雩婁聞吳有備而還是也晉書地道記云

在安豐縣之西南即其界也

水經又北過安豐縣東注云決水自雩婁北逕雞備亭春秋吳敗諸侯之師于雞父者也安豐縣故城今邊城郛治也晉立安豐郡決水自縣西北流經蓼縣故城東又逕其北又西北灌水導源廬江金蘭縣西北東陵鄉大蘓山褚先生所謂神龜出于江灌之間嘉林之中蓋謂此也灌水東北逕蓼縣故城而北注決水決水又北右會陽泉水水受決水東北流逕陽縣故城東城在霍邱縣西九十里故陽泉鄉也又西北流左入決水謂之陽泉口方輿記要云亦謂之陽宣口

水經又北入于淮注云俗謂之澮口非也斯決澮之口矣蓋澮澮聲相倫習俗害真耳

又東窮水西南來注之

淮水又東經潁上

縣南

去縣治二十五里

窮水出霍邱縣西

南東北流注于淮

縣西南三十里有萊林塘周六里是為窮水之源

水經淮水章又東過廬江安豐縣東北決水從北來

注之注云廬江故淮南也應邵曰故廬子國也決水

自舒蓼北注不于北來也安豐東北注淮者窮水矣

又非決水皆誤耳淮水又東谷水上承富水東南流

逕原鹿縣故城北城側水南谷水又東逕富陂縣故

城北十三州志曰漢和帝永元九年分汝陰置多陂
塘以溉稻故曰富陂縣也谷水又東于汝陰城東南
注淮水又東北左會濶水水首受富陂東南流為高
塘陂又東積而為陂水東注焦陵陂陂水北出為鮑
陂陂水潭漲引瀆北注汝陰四周隍塹下注潁水焦
湖東注謂之濶水逕汝陰縣東逕荆亭北而東入淮
水今阜陽縣南三十里有小濶河縣南五十里有大
濶河東南流合為一川又東南經潁上縣西南去
縣治四十里又東北窮水入焉水出六安國安豐縣
窮谷俗在霍邱縣西南三十里春秋楚救濡司馬沈尹
戌與吳師遇于窮谷者也川流泄注于決水之右北

灌安豐之左世謂之安豐水亦曰窮水音戎近聲相近字隨讀轉流結為陂謂之窮陂塘堰雖淪猶用不輟陂水四分農事用康北流注于淮京相璠曰今安豐有窮水北入淮淮水又東為安豐津水南有城故安豐都尉治後立霍邱戍淮中有州俗號閑州又東北水出天柱山南來注之

淮水又東經壽州西北水出霍山縣南天柱山山去縣五里史記封禪書元封五年冬巡南郡至江陵禮滿之天柱山號曰南岳故是山亦襲衡山之稱兩雅南衡又云霍山為南岳郭璞曰霍山今在廬江濡縣滿水出焉別名天柱山漢武帝以衡山遠曠故移其

神于此今彼土俗人皆呼之為南岳南岳本自以兩山為名非從近來也而學者多以此言謂武帝在嶓嶷又云漢武帝來不熙矣胡氏曰按徐靈期記云衡山為南岳嶓嶷其來尚矣至于嶓嶷此蓋本方士家言漢武信之遂移衡山之霍山為南岳其霍山為南岳此蓋本方士家言漢武信之遂移衡山之一條當是漢人所附益漢據不經之言以衡山一名霍山自古已無非漢志廬江郡潏天柱山在南有祠泚山泚水所出北至壽春入芍陂故潏城在縣東北三十里泚山即天柱山之別巒也其水北流經縣東又西經六安州西又北經固始縣南去縣五十里屈而東南經霍邱縣南又屈北逕其東去縣五十里又北經壽州西入于淮楚相孫叔敖引泚水作期思陂為子午

渠開六門灌田萬頃淮南子曰孫叔敖決思期之水灌雩婁之野者也一名芍陂在今壽州東南六十里故漢志謂泚水至壽春入芍陂漢建初八年王景徙廬江太守郡界有故芍陂稻田景驛率吏民脩起蕪廢灌田可萬頃由是境內豐給建安五年劉馥為揚州刺史鎮合肥廣屯田脩芍陂茹陂七門吳塘等竭以溉稻田公私有積歷代為利後鄧艾重脩芍陂堰山谷之水旁為小陂五十餘所沿淮諸鎮並仰給于此晉永和九年姚襄自淮南進據芍陂尋徙屯于盱眙伏誦曰龍泉之陂良疇萬頃謂芍陂也宋元嘉七

年長沙王義欣為豫州刺史鎮壽陽芍陂久廢義欣
 脩治隄防因舊溝引泚水入陂溉田萬餘頃無復旱
 災隋開皇中趙軌為壽州長史芍陂舊有五門堰軌
 更開三十六門灌田五千餘頃元和志芍陂周三百
 二十四里徑百里元至元二十一年江淮行省言安
 豐芍陂可溉田萬頃若立屯開耕寔為便益從之于
 安豐立萬戶府屯戶萬四千八百有奇
 水經淮水章又東北至九江壽春縣西泚水泄水舊
 作泚水泚水合北注之又東潁水從西北來流注之注云
 淮水又東左合泚口

水經北水出廬江潯縣西南霍山東北注云泚字或作泚東北逕博安縣泄水出焉

水經東北過六縣東注云潯水東北右會踰鼓川水水出東南踰川西北流左注潯水潯水又西北逕馬亭城西又西北逕六安縣故城西縣故谷陶國也夏禹封其少子奉其祀今縣都殷中有大冢民傳曰公琴者即皋陶冢也楚人謂冢為琴漢高帝二年別為

衡山國武帝元狩二年為六安國晉太康三年廬江

郡治

今為六安州

潯水又西北分為二水出焉又北逕五

門亭西西北流逕安豐縣故城西

今霍邱縣西南二十里有安豐城

又北濡水亂流西北注

水經北入于淮注云水之決會謂之沘口

水經泄水出博安縣注云博安縣地里志之博鄉縣也泄水自縣上承沘水于麻步川西北歷濡溪謂之濡水

水經北過芍陂西與沘水合注云泄水自濡溪口安豐縣北流注于潁沘水今潁

東至于潁尾

淮水又東經東西正陽鎮得潁水是為潁尾左氏春秋楚子狩于州來次于潁尾是也東正陽在壽州西

六十里西正陽在潁上縣東南八十里夾淮兩岸
水經注淮水章又東逕中陽亭北為中陽渡水流淺
磧可以厲也淮水又東流與潁口會

又東肥水出鷄鳴山南來注之

淮水又東北肥水出合肥縣西雞鳴山山去縣四十
里上有龍井唐建中四年淄青帥李納叛斷淮西運
道水陸運使杜佑請改疏潁水通漕因言廬壽間有
水道而平岡互其中曰鷄鳴山請疏其兩端以通舟
中登陸四十里而近則江湖黔嶺蜀漢之粟可方舟
而下也議未及行肥水自山北流二十里分為二石

瀆東南流至城西俗呼金斗河即施水也貫城而東
枝津左出西流又分為二其一西注肥水其一西北
流為陽湖又西北亦入肥水施水自枝津又東流五
十里注于巢湖亦曰焦湖湖周四百餘里合肥舒城
廬江巢四縣之境環之吞納衆川導為石梁濡須馬
腸裕溪等川以注于江肥水左瀆又北經霍邱縣東
南又北右納施水枝津左佩芍陂又東北經壽州城
東又迤而西北經城北又西迤北入于淮謂之肥口
去州治十里

水經注淮水章東南逕倉陵北

魏書地形志壽春有倉陵城

又東

北流逕壽春縣故城西楚考烈王自陳徙此秦九江
郡治今為壽州蕪得廬江豫章之地故以九江名郡文穎
曰史記貨殖傳曰淮已北沛陳汝南南郡為西楚彭
城已東東海吳廣陵為東楚衡山九江江南豫章長
沙為南楚其為三楚者也淮水又北左合椒水水上
承淮水東北流逕蛇地南又歷其城東亦謂之清水
東北流注于淮謂之清水口
水經淮水章又東過壽春縣北肥水從縣東北流注
之注云淮水于壽陽縣西北晉孝武改壽陽曰壽陽肥水從城
而北入于淮謂之肥口

水經肥水出九江成德縣廣陽鄉西注云肥水出良

餘山俗謂之連枷山亦或以為獨山也方輿紀要廬

大蜀山爾雅云獨者蜀山卓然孤立登其北流分為

蕪湖見二百餘里又西二十里曰小蜀山在霍邱又北

二水施水出焉肥水又北逕獲城東縣城在霍邱又北

逕獲邱東右會施水枝津首受施水于合肥縣城東

西流逕成德縣注于肥水

水經北過其縣西北入芍陂注云肥水自獲邱北逕

成德縣故城西縣城在霍邱又北逕芍陂東又北逕死

馬塘東芍陂瀆上承井門與芍陂更相通注故經言

入芍陂矣肥水又北右合閭潤水上承施水于合肥

縣北流經浚道縣西城在合肥縣東北七十里趙宋結
興三十二年改曰梁縣志云水積為陽湖陽湖水自
 浚道城在梁縣西三十里
 塘西北逕死虎亭南宋泰始二年劉順等東據宛塘
也齊永元三年魏蕭懿遣神將胡松屯死夾橫塘西
虎即此死虎壘在今壽州東四十餘里
 注水分為澗二洛澗出焉黎漿水受芍陂陂水上承
 澗水于五門亭南別為斷神水又東北逕五門亭東
 亭為二水之會斷神水又東北逕神迹亭東又北謂
 之豪水雖廣異名事實一水又東北逕白芍亭東積
 而為湖謂之芍陂陂周百二十許里在壽春縣南八
 十里言楚相孫叔敖所造陂有五門吐納川流西北

為香門陂水北逕孫叔敖祠下謂之芍陂瀆又北分
為二水一水東注黎漿水黎漿水東逕黎漿亭南梁
通五年裴邃拔荻城又東注肥水謂之黎漿水口
拔甕城逕屯黎漿即此水經又北過壽春縣東注云肥水自黎漿北逕壽春
縣故城東為長瀨津又西北右合東溪溪水引瀆北
郭東北隅阿之榭也東側有一湖三春九夏紅荷覆
水引瀆城隍水積成潭謂之東臺湖亦肥南播也肥
水西逕壽春縣城北石合北溪水導北山泉源下注
漱石頽隍水上長林插天高柯負日溪水西南注于
肥水

水經北入于淮注云肥水又西分為二水右即肥之
故瀆過為船官湖肥水左瀆又西逕石橋門北亦曰
草市門外有石梁渡北洲湖北對八公山山無樹木
惟童阜耳山上有淮南王劉安廟有隱石室井肥水
又左納葛陂瀆瀆水自黎漿分水引瀆壽春北逕芍
陂門右北入城瀆水又北逕相國城東劉武帝伐長
安所築也又北出城注肥水又西逕金城北又西左
合羊頭溪水水受芍陂西北歷羊頭溪謂之羊頭澗
水北逕熨湖左會烽火水瀆瀆受淮于烽村南下注羊
頭溪側逕壽春城西又北歷象門自沙門北出金城

西門逍遙樓下北注肥瀆肥水北注舊瀆之橫塘為
玄康南路馳左通船官坊也肥水迳玄康城西北流
注于淮是曰肥口

水經施水亦從廣陽鄉與肥水別東南入于湖注云
受肥于廣陽鄉東南流迳合肥縣又東分為二水枝
水北出焉下注陽淵即陽湖施水又東迳湖口戍東注

巢湖謂之施口

東北至峽口

淮水又北夏肥水上承沙水于亳州境北來注之漢
志沛郡城父夏肥水東南至下蔡入淮是也城父故

城在今亳州東南七十里下蔡故城在壽州北三十
里里道記下蔡西抵正陽鎮五十里今下蔡城西
南十里有水俗呼西肥河東流十里入淮而亳州南
百五十里有水俗呼肥河積潦成川東南流經蒙城
縣北去縣治三十里又東南經懷遠縣北去縣治十五里又東南宿州
南九十里龍山湖之水導而東南流俗亦呼肥河經
懷遠縣東北去縣治二十里又東南合石水而東南入于淮
蓋黃河變徙後潁尾已東之水源流斷續非復故道
矣淮水又東北經硤口夾淮據險設硤石戍東南去
壽州二十五里三國魏甘露元年諸葛誕據壽春司

馬昭遣王果軍硤石以逼之晉大元八年苻堅侵壽
春晉將胡彬赴援聞城陷因退保硤口梁天監十四
年趙祖悅襲魏西硤石據之以逼壽陽更築外城徙
緣淮之民以實城內明年魏揚州刺史李崇作浮橋
于硤石戍間陳大建五年吳明徹等伐齊軍至硤口
克其北岨城南岨守者棄城走蓋硤石二城自古為
險要矣

水經注淮水又北夏肥水注之水上承沙水于城父
縣右出東南流逕城父縣故城南

城在今亳州縣故
東南七十里

焦夷之地春秋左傳昭公九年楚公子棄疾遷許于

夷實城父杜預曰此時改城父為夷者也以夷田在
濮水西者與城父人然則濮水即沙水之蕪稱得夏
肥之通目矣夏肥水自縣又東逕思善縣之故城南
又東為高陂又東為太宗陂在下蔡城西水出分為
二流南為肥水北為雞陂夏肥水東流左合雞水水
雞陂東流為黃陂又東南流積為茅陂即清陂王伯厚玉海云下蔡西北六十里有黃陂八十里有雞陂東北八十里有塘陂皆隋末廢唐復置溉田數百頃又東
為雞水呂氏春秋宋人有取道者其馬不進投之雞
水是也雞水又會肥水而亂流東注于淮淮水又北
逕山硤中謂之硤石對岨山上結二城以防津要

又東北經莫邪山西過沙汭歷塗山荆山左得過口

淮水又東北經趙步南步在壽州東北自州西北二
五里花壓鎮沿淮東北下百餘里抵趙步坎圻為道
以上下謂之步又東北抵梁城灘又東北二十五里
抵洛洛澗水出定遠縣西九十里青河澗西北流經
壽昌東境又北經懷遠縣西南注于淮其地有洛河
鎮去縣七十里淮水又東北經鳳陽縣西南莫邪山
西山去縣八十里又東北經懷遠縣南沙水注之又
東北歷塗山西荆山東而北注塗山在懷遠縣東南
八里荆山在縣治西南城跨其上方與紀要淮水在

縣東南一里介在荆塗兩峽間今名洪頭有巨石橫
互若門限每冬水淺則見淮水出峽過水注之謂之
過口

水經注淮水又北經下蔡縣故城東本州來之地也
吳季札始封延陵後邑州來故曰延州來矣春秋哀
公二年蔡成公自新蔡遷于州來謂下蔡也淮之東
岨又有一城下蔡新城也

通典梁子岨石山下築城以拒魏即下蔡新城也

二城對據翼帶淮濱淮水東逕八公山北歷潘城南

置潘溪戍戍東側潘溪吐川納淮更相引注又東逕

梁城

在今鳳陽縣西南九十里通鑑注云梁城在鍾離西南壽陽東北

臨側淮川

塗之右奔流二山之間而揚濟北注也淮水于荆山之北過水東南注之又東北逕沛郡義城縣東故城在懷

遠縣東北十五里

又東濠水出鍾乳山西南來注之

淮水又東經鳳陽縣北去縣治十里又東經臨淮縣城北

有浮橋自古津要也濠水出鳳陽縣東南七十里鍾

乳山亦呼濠塘山其一源出縣西南莫邪山二川東

北流至三牛城西南五十里昇高山下而合又東北

至城東十五里有石絕水謂之濠梁今呼九虹橋又東北

經三牛城東城自唐已來為濠州治在臨淮縣西南

水經淮水章又東過當塗縣北過水從西北來注之

注云淮水自莫邪山東北逕馬頭城北魏馬頭郡治

故當塗縣之故城也呂氏春秋曰禹娶塗山氏女不

以私害公自卒至甲四日復往治水故江淮之俗以

辛壬癸甲為嫁娶日也禹娶在山西南縣即其地也

城在今懷遠縣西南二十里通鑑注云當塗故城南

北朝兵爭之際為馬頭郡與程記云今縣西二十二

里地名馬頭城為淮水又東北濠水出莫邪山東北

來渡淮者必經之地溪溪水西北引瀆逕禹墟北又西流注于淮淮水又

北沙水注之淮之西所有平阿縣故城在今懷遠縣北三十里

郡國志平阿縣有當塗山即國志無當字淮于荆山之左當

左有渚城淮水左迤為渚湖淮水又右納洛川于西
曲陽縣北水分閭溪北流絕橫塘北迤蒲亭東又北
鵲甫溪水出鵲甫谷西北迤鵲甫亭南西北注于洛
水北迤西曲陽縣故城東應邵曰縣在淮曲之陽下
邳有曲陽故是加西也城在今定遠縣西北九十五里中志壽州東北八十三里
陽故城西曲洛澗北歷秦堰下注淮謂之洛口經所謂
淮水迤壽春縣北肥水縣東北注者也蓋經之謬矣
考川定土即實為非是曰洛澗非肥水也淮水又北
迤莫邪山山西山在今鳳陽縣山南有陰陵故城定遠縣西北
六十里後漢九江郡治

二里西去鳳陽縣治二十里東去鍾離城六里又東北經臨淮縣城東而注于淮今呼新河口淮水又東北有洲曰邵陽洲去臨淮縣十八里又東北有洲曰乘龍洲去縣四十里又東渙水澮水自西北來合流注之東經浮山之陰淮水又東北經五河縣東去縣治一里渙水故瀆首受蕩蕩渠于陳留縣東北東南流經杞縣南又東南經睢州南又東南經寧陵縣西南柘城縣東北又東經商邱縣南又東經永城縣南今睢水在縣南者即渙之故瀆至縣東南乃別于睢已上渙水無遺迹可尋矣又東經宿州西南去州治五十里又東澮水

自亳州分汴水枝津東流經永城縣南去縣治二十里又東

經宿州西南注于渙已下今亦謂之澮水又東南泡

水自亳州東北舒安湖東流經永城縣南去縣治十五里

又東經宿州南去州治九十里東迤北注渙水渙水又東南

經靈璧縣南去縣治七十里又東南經五河縣治南入于淮

淮水又東潼水出虹縣西羊城湖東南流經縣南又

東南經五河縣東北沱水出宿州東南六十里紫亭

湖東流經靈璧縣西南去縣治四十里又東南經虹縣西又

東南經五河縣北又東注于潼水潼水又東入于淮

淮水又東歷嶢石山南浮山北嶢石山在五河縣東

三十里泗州西百一十里俗呼鐵鎖嶺浮山在盱眙縣西百四十里亦曰臨淮山通典云浮山去鍾離郡九十里山下有穴名浮山洞夏潦不能及冬涸不加高浮山之名亦以此五代周顯德四年破南唐水軍于洞口即浮山洞口也

水經淮水章又東過鍾離縣北世本曰鍾離羸姓應邵曰縣故鍾離子國楚滅之以為縣故城在今臨淮縣東四里豪水出陰陵縣之陽亭北小屈有石穴不測所窮言穴出鍾乳所未詳也豪水東北流逕其縣西又屈而南轉東逕其城南又北歷其城東逕小城而北流注于

淮

淮水又東逕夏邱縣南

故城在今縣東一里

又東渙水

此處有閘

文西入九里注之渙水又東南流逕雍邱縣故城南

城即今杞縣治

又東逕承匡城

西在今睢州三十里

又東逕襄邑縣故

城南

即今睢州治

故承匡襄牛之地宋襄公之所葬故號

襄陵矣西有承匡城春秋會于承匡者也秦始皇以

承匡卑濕徙縣于襄陵也陳留風俗傳曰縣南有渙

水故傳曰睢渙之間出文章天子郊廟御服出焉尚

書所謂厥篚織文也渙水又東南逕已吾縣故城南

城在今寧陵縣西南三十里

又東逕鄆城北

今睢州東有鄆亭春秋仲孫

蔑會齊曹邾杞次于鄆杜預曰陳留襄邑縣東南有

鄆城渙水又東南逕鄆城北寰宇記鄆城縣北新城

南又東南左合明溝清水自洪陂東南流謂之明溝

下入渙水又逕亳城北帝王世紀曰穀熟為南亳即

湯都也十三州志曰漢武帝分穀熟置春秋宋公子

御說奔于亳者也渙水又東逕穀熟城南城在今南

四十里又東逕楊亭北京相璠曰宋地今睢陽東南三

十里有故楊梁西北去梁國八十里渙水又東逕沛

郡之建平縣故城南城在今永城縣西南章懷太

東逕鄆縣故城南今永城縣南二春秋公會諸侯及

齊世千光于郿今其地郿聚是也渙水又東南逕費

亭南又東逕鉅縣故城南城在今宿州南四十六里又東苞水出

譙城北白汀陂城在今夏邑縣北三十六里陂水東流逕鄆縣南

又東逕郿縣故城南又東逕嵇山北嵇氏故居嵇本

姓奚會稽人也先人自會稽遷于譙之鉅縣故為嵇

氏取稽字之上以為姓蓋志本也苞水東流入渙渙

水又東南逕靳縣故城南地理志曰故垂鄉也水上

有古石梁處遺基尚存渙水又東逕穀陽縣右會八

丈故瀆瀆上承浹水南流注于渙渙水又東逕陽穀

陽戍南又東南逕穀陽故城東北城在今靈璧縣西北七十五里右

與解水會水上承縣西南解塘東北流逕穀陽城南
即穀水也又東北注于渙渙水又東南逕白石戍南
逕蛭城南浹水注之水首受蘄水于蘄縣東南流逕
穀陽縣八丈故瀆出焉又東長直故溝上承蘄水南
會于浹浹水又東南流于浹縣故城北城在靈璧縣
蕪林曰浹有
垓下又東南入于淮淮水又東至嶢石山潼水首受
潼縣西南潼陂故僅城在今虹
縣東北七十里南逕沛國夏邱縣絕
蘄水逕夏邱縣故城西又東南流逕臨潼戍西又東
南至嶢石西南入淮淮水又東逕浮山山北對嶢石
山

又東經龜山之陰

淮水又東經泗州南

去州治一里

盱眙縣北

去縣治二里

又東

北經龜山北顧景范曰泗州與盱眙兩城相距凡七
里自昔為淮流襟束之處汴水自河南界流經州城
東而合于淮謂之汴口宋時以此為漕運要衝今惟
涓流可辨耳由州城而東三十里龜山峙為淮流至
此乃益折而北又二十餘里而洪澤富陵泥鰲萬家
等湖環匯于淮之東岍淮水泛溢恒在于此州逼淮
而地下故也胡觥明曰古汴水東流經彭城縣北而
東入于泗唐貞元中韓愈佐徐州幕有詩云汴水交

流郡城角是其時汴水猶于州城東北隅合泗入淮
也不知何年改流從夏邑永城宿州靈璧虹縣至泗
州兩城間而入于淮宋時東南之漕率由此以達京
師南渡後漸湮元泰定初河行故汴渠仍于徐州合
泗水至清口入淮而泗州之汴口遂廢

水經注淮水又東逕徐縣南

故城在泗州西北五十里

歷澗水導

徐城西北彼陂陂水南流蘄水逕歷澗西東南流注

于淮淮水又東池水出東城縣東北流逕東城縣故

城南

故東城在今定遠縣東五十里

又東北歷二山間東北入于

淮謂之池口淮水又東蘄水注之首受睢水于穀熟

城東北城在商邱縣東南四十里東逕建城縣故城北城在亳州東北八十里
里又東南逕蘄縣故城在今宿州南三十六里縣有大澤鄉在州西南
南則浹水出焉蘄水又東南長直故瀆出焉又東入
夏邱縣東絕潼水逕夏邱縣故城北又東南逕僮縣
南又東流入徐縣東絕歷澗又東逕大徐縣故城南
今泗州東北八十里有大徐城即古徐國志云又東流注
徐城縣北四十里有大徐城即古徐國志云又東流注
于淮東流經虹縣東又東北至睢寧縣歸于睢水非
復舊淮水又東歷客山流亦名陡山陡或作斗明一
流矣淮水又東歷客山流亦名陡山陡或作斗明一
統志云山與都梁山逕盱眙縣故城西通鑑云陡山
相接常淮流之險峻逕盱眙縣故城西通鑑云陡山
也

東北歷洪澤湖又東北得泗水河水徙由淮泗之交已下河行淮之故瀆矣

淮水又北逕東經洪澤湖西湖在清河縣南六十里長八十里淮水又東北經清河縣南去縣治五里泗水自左注之謂之清口淮自盱眙城北東北至清口百五十里今河淮會于清口清口已西河行泗之故道也東行淮之故道也

水經注淮水又東逕廣陵淮陽城北臨泗水阻于二水之間述征記淮陽太守治今泗州東北百里有淮陽城值清河縣西南裏字記云在徐縣東北百五十里臨淮水

水經淮水章又東北至不邱淮陰縣西泗水從西北
來注之注云淮泗之會即角城也魏高開曰角城去
淮陽十八里是也
寰宇記角城在舊邊
縣東南百一十里左右兩川翼夾二水決入之所
所謂泗口也

游水自淮北出歷朐山羽山北迤東注于海故瀆東北
經末口又東北枝別為游水又東北入于淮

淮水故道又東北經末口在山陽縣北五里又東北
經安東縣南去縣二里枝津右出為游水北流沐水左
瀆俗呼北連水自沐陽縣分流東南逕宿州東北相
水自嶧縣西東南流經縣南又東南注沐水左瀆又

東南經海州南注于游水游水又北經朐山西山在
州南四里又北經郚城縣東羽山西山去縣治七十
里又北迤東經贛榆縣北又東北入于海漢志臨淮
郡淮浦游水北入海是也淮浦即今安東縣治淮水
又東北入于海

水經淮水章又東過淮陰縣北中川水出白馬湖東
北注之注云淮水右岍即淮陰也城西二里有公路
浦又東迤淮陰縣故城北城在今清河縣東南五里北臨淮水縣
有中瀆水首受江于廣陵郡之江都縣縣城臨江今在江都縣西南四十里故城已圯于江昔吳將伐齊北霸中國自廣陵城

東南築邳城案字記升溝城在揚州西四里城下掘

深溝謂之韓江亦曰邳溟溝自江東北通射陽湖在山

陽縣東南七十里地理志所謂渠水也西北至末口入

淮自永和中江都水斷其水上承毘陽北今儀徵縣東

埭引江入埭六十里至廣陵城通鑑注魏曹丕登廣陵

城東水上有梁謂之洛橋中瀆水自廣陵北出武廣

湖俗呼雙陸陽湖西今作綠洋湖在高郵州南二

湖東西相直五里水出其間下注樊梁湖在高郵州

里舊道東北至博芝射陽二湖博芝在射陽之西北

出夾邳乃至山陽矣至永和中惠湖道多風陳敏因

穿樊梁北口下注津湖

津湖在寶應縣南六十里

逕渡渡十二里

方達北口直至夾邪興寧中復以津湖多風又自湖

南北口沿東嶺二十里牢渠入北口自後行者不復

由湖自廣陵出山陽白馬湖

在寶應縣西北十五里

逕山陽城

西即射陽縣之故城也

在山陽縣東南

中瀆又東謂之山陽

浦又東入淮謂之山陽口

水經又東兩小水流注之注云淮水左逕泗水國南

故東海郡也淩水注之水出淩縣東流逕其縣故城

東

城在宿遷縣東南五十里

而東南流注于淮即經所謂小水者

也

水經又東至廣陵淮浦縣入于海注云應邵曰浦所

也蓋側淮濱故受此名淮水于縣枝分北為游水歷

胸縣與沐水合又經胸山西山側有胸縣故城即今

治東北海中有大洲謂之郁洲今郁州治東北十九

里周數百里通典云游水又北逕東海利城縣故城

東城在縣南六十里又北歷羽山西又北逕祝其縣故

城西城在縣南五十里縣之東有夾口浦游水左逕琅琊

計斤縣故城西地理志曰莒子始起于此後徙莒故

世謂之南莒也在縣南三十里游水又北逕贛榆

縣北故城在今縣北六十里又東北逕紀鄆故城南城在縣北七十里

五東北入海爾雅淮別為潁游水亦枝稱者也

水經注沐水南逕建陵山山在沔陽縣西北百里魏正元中

立大堰遏水面流沐水左瀆自大堰水斷故瀆自下

堰東南逕司吾城東城在今宿遷縣北又東南歷祖口城中

祖水出于楚之祖地春秋會吳于祖京相璠曰宋地

今彭城偃陽縣西北有祖水溝去偃陽八十里東南

流逕偃陽縣故城東北城在今嶧縣南五十里偃陽妘姓也祖

水南亂于沂而注于沔謂之祖口東南至朐縣入游

汝水出大孟山東北經狼臯山之陽

汝水出魯山縣西南孟山山去縣治七十里山頂平

坳四圍若城俗呼大圍城小圍城山其水東北流逕

伊陽縣西南太和山北有太和谷北魏于此置城曰

太和城汝水又東北經伊陽縣南地志云縣南八里有窄口汝水所經

也魯山縣北又東北經汝州西臯狼山南山去州治

六十里州西廣成澤周百里去州四十里漢置廣成

苑于此苑內有溫泉九源東流南注廣成澤澤水東

南入汝汝水又東經州南去州五里治

水經汝水出河南梁縣勉鄉西天息山在伊陽縣西二十里注

云地理志曰出高陵山即猛山也在舞陽縣北亦言

出南陽魯陽縣之大孟山唐初改魯山又言出弘農盧

右合汝水

東逕南得湛水東南枝別為瀆水又東南得泝水

汝水又東南經寶豐縣南

去縣治二里

又東南為湖廣二

十里

名楊家湖志云唐楊汝士居此因名

又東南扈澗水出邾縣北扈

陽山山去縣治三十里

即大劉山也其水南流經縣

西

去縣治十里

西南注汝汝水又東南經邾縣南

去縣治十里

又東南經葉縣北又東南湛水注之又東南枝津左

出為瀆水又東南經褒城縣西泝水注之又東南經

縣南水南有石堰長五里

水經淮水章又東南逕潁川邾縣南注云汝水東與

張磨泉合水發北阜春夏水盛則南注汝水汝水又東分為西長湖湖水南步五十餘步東西三百步汝水又東扈澗水北出大劉山南迤水蓼堆東郟城西即今郟縣治南流入于汝水又右迤為湖湖水南北八九十步東西四五百步俗謂之東長湖湖水下入汝古養水也水出魯陽縣北將狐山北長岡下數泉俱發東歷永仁三堆南又東迤沙川世謂之沙水歷山符壘北又東迤沙亭南故養陰里也京相璠曰在襄城郟縣西南俗名為之沙城非也城處水之陽而以陰為稱裂溉互移致令川渠易容津途狀改故物望疑

烏又右會莖溝水水出沛公壘西六十許步東北注
養水養水又東北入東長湖亂注汝水也汝水又逕
邾縣故城南激水出魯陽縣之嵒孤出東南流東入
父城縣邾縣西四十里有父城與桓水會桓水出魯陽北出水有
二源竒導于賈復城合一為一瀆逕賈復城北復南
擊邾所築也其水東北流至父城縣北右注激水亂
流又東北至邾入汝汝水東南左合藍水水出陽翟
縣重嶺山今禹州治即陽翟城東南流逕紀氏城西在邾城東
北十餘里其水又東南逕黃阜東而南入汝汝水又
東南白溝水出亭城西而南逕夏亭城西又南逕龍

城西城西北即摩陂也縣在郿縱廣可十五里魏青龍

元年有龍見于郿之摩陂明帝幸陂觀龍于是改摩

陂曰龍陂其城曰龍城其水又南入于汝汝水又東

南龍山水北流際父城縣故城東又東北流與二水

合俱出龍山北流注之又東北入于汝汝水又東南

逕褒城縣故城南其城南對汜城縣在今褒城京相璠

曰周褒王居之故曰褒城也今置閼于其下汝水又

東南逕西不羹城南城在褒城縣東南又東南逕繁邱城南

而東南注

水經又東南過定陵縣北注云汝水又東南逕定陵

縣故城北城在今舞水右則汝水左入焉左則百尺

溝出矣溝水夾所層崇亦謂之為百尺隄也自定陵

城北通潁水于襄城縣潁盛則南播汝決則北注在溝

舞陽縣溝之東有澄潭號曰龍淵在汝北四里許南

北百步東西二百步水至清深嘗不耗竭佳饒魚苟

湖溢則東注滌水矣汝水又東南昆水注之水出魯

陽縣唐山東南流逕昆陽縣故城西又屈逕其城南

城在今葉縣又東逕定陵城南又東注水今昆水于

北二十五里又東逕奇額城西北今南潁川郡治也

道從矣汝水又東逕奇額城西北今南潁川郡治也

又東南醴水出衡山西南來注之

汝水又東南經郾城縣北醴水出南陽縣北衡山山
去縣治七十五里其水東流經葉縣北縣西南苦菜
山之水東流注之俗呼燒車水言漢光武燒王尋輜
重于此故因以名又東縣西南方城山之水北流為
陂謂之葉西陂東經城南而東北注于醴水醴水又
東經舞陽縣北又東經郾城縣南又東迤北注于汝
方輿紀要醴河經縣南境至
縣東螺灣渡北流合汝河
水經又東南過郾縣北注云汝水逕奇頽城西東南
流其城衿帶兩水側背雙流汝水又東南流逕郾縣

故城北故魏下邑也史記楚昭王伐魏取鄆是也即今鄆城汝水又東得醴口水出南陽雒山馬融廣成頌曰面據衡陰指謂是山在雒縣界故世謂之雒衡山醴水東流歷唐山下即唐鳳所隱之山也醴水又東南與臯水合水發臯山東流注于醴水醴水又東南逕唐城北南入城而西流出城又屈而東南逕葉縣故城北城在今縣東二十里春秋昭公十五年許遷于葉者也醴水又逕其城東與燒車水合水西出苦菜山東流側葉城南而下注醴水醴水又東與葉西陂水會縣南有方城山屈完所謂楚國方城以為城者也山有

湧泉北流蓄之以為陂故塘方二里陂水散流又東
逕葉城南而東北注醴水醴水又東注葉陂陂東西
十里南北七里二陂竝諸梁之所竭也陂水又東逕
濠陽縣故城北又東定陵城南東與芹溝合其水導
源葉縣東逕濠陽城北又東逕定陵縣南又東南流
注醴水其水逕流昆醴之間纏絡四縣之中疑即呂
忱所謂峴水也醴水東逕鄧縣故城南左入汝汝水
又東南流逕鄧城城在鄧縣東南三十五里亦曰鄧襄城春秋左傳
桓公二年蔡侯鄭伯會于鄧者也

又東南濠水西南來注之

汝水又東南漁水出泌陽縣北平地騰湧東北流經舞陽縣東南又東北注于汝

水經注汝水又東南流漁水注之

水經漁水出漁陰縣西北扶予山東過其縣南注云

山海經曰朝歌之山漁水出焉東流注于滎經書扶

予者其山之異名乎滎水上承赫水東流左與西遼

水合又東東遼水注之俱導北山而南流注于滎滎

水又東北于漁陰縣北故城在今泌陽縣北十里左會漁水不得

出其縣南城之東有馬仁陂在今泌陽縣西北七十里

陂水三周其湟漁水不得復逕其南也且邑號漁陰

故無出南之理漁水又東河水注之

誤河字

水出雒衡

水南逕建城東建當為巷字讀誤耳郡國志葉縣有

巷城其水又東流入于漁漁水東北逕于東山西西

流入漁

脫上有

漁水之左即黃城山也水出黃城山東

北逕方城郭仲產曰苦菜于東之間有方城名方城

東臨溪水苦菜即黃城也及于東通為方城矣世謂

之方城山水東流注漁水盛弘之云葉東界有故城

始犇縣東至瀨水達北陽界南北睽睽數百里號為

方城一謂之長城云鄧縣有故城一面未詳里數號

為長城即此城之西隅其間相去六百里若南北雖

無基築皆連山相接而漢水流其南故屈完荅齊桓公云楚國方城以為城漢水以為池潯水又東北歷舞陽縣故城南

水經又東過西平縣北注云縣故柏國也其西呂壩即西陵亭也晉太康地理志曰縣有龍泉水可以砥礪刀劍特堅利是以龍泉之劍為楚寶也縣出名金古有鐵官

水經又東過鄆縣南注云鄆縣故城去此遠矣不得過

水經又東過定潁縣北東入于汝注云漢安帝永初

二年分南郡之上蔡縣置定穎縣故城在上

又東南瀕水出慈邱之山西來注之

汝水又東南經西平縣城北去縣治二里志云汝水

入城自西水門入中東水門出後數又東南經上蔡

縣西去縣治又東南經汝陽縣西瀕水出唐縣東慈

邱山山去縣治七十里即中陽山也漢志南陽郡舞

所出東至蔡入汝許叔重說文解字邈水出南陽舞

陽縣中陽山入潁縣當從漢志作舞陰山當從說文

作中其水東北流經舞陽縣南又東南經泌陽縣東

北象河關關去縣百二十里為東出遂平西平北達

舞陽葉之隘道瀕水又東經遂平縣南岐而二其一

東北流灋水出縣南西來注之又東至汝陽縣西北

黃埠西去縣治四十里迤而東南注于汝其一東南流至汝

陽縣西北注于汝

水經汝水章又東南過汝南上蔡縣西注云縣故蔡

國周武王克殷封其弟叔度于蔡世本曰上蔡也故城

在今縣西南十里

水經灋水出舞陰縣東上界山注云山海經謂之視

水也郭景純注或曰視宜為灋出崱山許慎云出中

陽山皆山之殊目也而東與此水合此句上水出灋

陰縣旱山東北流注灋水灋水又東北殺水出西南

大熱之山東北流入于瀕瀕又東得輿水口水西出

輿山東入于瀕水

水經東過吳房縣南

故城即今遂平縣治

又東過濯陽縣南

故城

在遂平縣東南

注云應邵曰濯水吳房縣東入瀕縣之西北

即兩川之交會也

水經又東過上蔡縣南東入汝

水經濯水出汝南吳房縣西北興山東過其縣北入

于汝注云縣西北有棠溪城故房于國春秋定公五

年吳王闔閭弟夫槩奔走封之于棠谿故曰吳房也

今遂平縣西北百里有棠溪城括地志棠谿城在郎城南西八十五里郾城之西即遂平西北

山谿有白羊淵水淵水下合濯水濯水東逕濯陽縣故城西東流入瀕水亂流逕其縣南東入于汝

又東南練水出朗山西來注之

汝水又東南練水出確山縣西北朗山宋改曰樂山去

縣治四十里水出其麓左右多軍壘亦曰黃酉水東

流經汝陽縣又有練江之目至城西北注于汝汝水

又東經城北秦觀曰汝水故道已亡惟存別枝水潦暴降即城恆有漲溢之患今城西北有

黃公從又有岳公從皆在汝河東嘴逕五十里廣

四大高倍之水漲時百里內皆蒙其利萬歷中按察

司黃輝邑今岳和聲所築固名

水經注汝水又東經懸瓠城北今豫州刺史汝南郡

治即今汝寧府城城之西北汝水枝別左出西北流

又屈西東轉又西南會汝形若垂歛灣中有地數頃
上有栗園栗小殊不竝故安之實也然歲貢三百石
以充天府水渚即栗州也

又東南漆水出桐柏山西來注之

汝水又東漆水出桐柏縣桐柏山東流經確山縣南
去縣治三十里又東北經汝陽縣南去縣治三十里又東注于汝謂
之漆口方輿紀要云漆水復分流入真陽縣境復東南流
入息縣界又東北經新蔡縣之官津店入于汝

水經汝水章又東南過平輿縣南注云漆水出浮石

嶺北青衣山亦謂之青衣水也東南逕朗陵縣故城

西今確山縣西南三應邵曰西南有朗陵山在確山

四十五里有朗陵城呼馬韋山縣以氏為漆水又南屈逕其縣南又東北

逕北宜春縣故城北今汝陽縣西南六十七里又東

北逕馬香城北又東北入汝汝水又東南逕平輿縣

南安成縣故城北二城在汝陽縣東南七十里

又東南得潁水

汝水又東南經新蔡縣南去縣治十里有官津又東南潁水與

潁水別自左注之汝水又東南經息縣東北青陂上

承正陽縣潁水西來結而為陂陂在新蔡縣西南其

水東南注于汝

水經注汝水又東南陂水首受慎水于慎陽縣故城南陂陂水兩分一水自陂北逺慎陽城四圍城塹塹水又自瀆東北流注七陂一水自陂東北流積為同陂陂水又東北又結而為陂世謂之害陂陂水上承慎陽縣北陂東北流積而為土陂陂水又東為害陂陂水又東南流注辟陂陂水又東北為太陂陂水又東入汝汝水又東南逕平陵亭北又東南逕陽遂鄉北又東逕櫟亭北春秋之棘櫟也杜預曰汝陰新蔡縣東北有櫟亭今城在新蔡故城西北城北半淪水

今新蔡縣北二十五里有櫟城俗呼野櫟店

汝水又東南逕新蔡縣故城

南本呂地也汝水又東南左會臆水又東南逕下桑里左逕為橫塘陂又東北為青陂又東南逕壺邱城北春秋左傳文公九年楚侵陳克壺邱是也汝水又東青陂水上承慎水于慎陽縣之上慎陂右溝北注馬城陂陂西有黃邱亭陂水于東逕新息亭北又東為細陂陂水又東逕新息縣結為牆陂陂水又東逕遂鄉東南而為辟陂又東為青陂陂東對大呂亭春秋外傳曰南有荆蠻申呂姜姓矣西南有小呂亭故此稱大也漢建寧三年新蔡長河南緱氏李言上請

脩復青陂司徒臣訓尚書臣襲奏可于洛陽宮青陂
東塘南樹碑稱青陂在縣坤地源起桐桐淮川別流
入于潯潯逕新息牆陂衍入襄信界灌溉五百餘頃
陂水又東分為二水一水南入淮一水東南逕白亭
北又東逕吳城南史記楚惠王二年于西召太子建
之子白勝于吳勝入居之故曰吳勝也又東北屈逕
壺邱東而北流注于汝世謂之薄溪水汝水又東逕
襄信縣故城北而東注今息縣東北七里有襄信城

東南入于淮

汝水又東南經阜陽縣南去縣治

而南入于淮潁州志云

汝水東北留至桃花店入州界又東至永安廢縣環
地理故城至朱阜鎮入于淮方與紀要州西南百一
十里財州城又西三十里有永安城武德元年于汝
水北所置永安縣尋廢其市井猶存州南百一十里
汝水之陽有地理城

水經又東至原鹿縣注云汝水東南逕縣故城西
水經南入于淮注云所謂汝口側水有汝口戍汝之
交會也

湛水出魚齒山東南流入于汝

湛水出汝州東南魚齒山山去州治五十里其水東

南流逕葉縣北去縣三十里東南注汝

水經注汝水章湛水出犍縣北魚齒山西北今魯山縣東南

五十里東南流歷魚齒山不為湛浦方五十餘步春秋楚公子格及晉師戰于湛阪今水北悉枕翼山阜于父城東南湛水之北山有長阪蓋即湛水以名阪故有湛陂之名也湛水又東南逕浦城北京相璠曰昆陽縣北有蒲城蒲城北有湛水者也今葉縣東北有蒲城湛水又東于汝水九曲北東入汝周禮荊州其漫潁湛鄭玄云未聞蓋偶有不照也

波水出孤山其南源出堯山謂之泚水合為一川東流魯閼水南來注之

波水出魯陽縣西孤山俗呼歇馬嶺其水南流與泚

水合沘水出縣西堯山山去縣治四十里亦曰大龍
山東流合于波水已下互受通稱周官經職方氏豫
州其侵波沘左氏春秋晉陽處父侵蔡楚子上救蔡
與晉師夾沘而軍杜注云沘水出魯陽縣東經襄城
定陵入汝水經作沘水沘即沘也波沘之水東流逕
魯山縣南魯閼水出南陽縣北七十里分水嶺嶺南
之水入于清嶺北則魯閼水出焉東北流逕南遼縣
北魯陽閼南去閼七里史記趙惠文王元年趙梁將兵與
齊合軍攻韓至魯閼下是也閼控據險要通輿汝州
魯山縣後周置三鴟鎮在縣西南十九里亦名平高

城以禦齊齊亦于縣東北十七里置魯城以禦周今

三鴨路自南陽縣北六十里向城而北曰石川一名百重

山為三鴨之第一其北分水嶺而北為第二山向城

而北八十里為魯陽關在南召縣北五十里魯山縣

西南九十里為第三北周建德四年韋孝寬陳伐齊

之策一曰廣川義旅出自三鴨今廣州治即一曰三鴨

已北萬春已南洛陽宮城正東曰萬春門廣事屯田預為積備魯

關水又東北注于沘

水經沘水出南陽魯陽縣西之堯山注云堯之末孫

劉累以龍食帝孔甲又求之不得累懼而遷于

魯縣立堯祠于西山謂之堯山堯山在太和城東北
渚水出焉歷太和川東逕小和川又東溫泉水注之
水出北山七泉竒發炎熱特甚闕嗣曰縣有湯水可
以療疾湯側又有寒泉地勢不殊而炎涼異致雖隆
火盛日爾若冰谷渾流同溪南流注渚水渚水又東
逕胡山東流又會溫泉口水出北山阜炎勢竒毒疴
疾之徒無能澡其衡漂救瘡者咸去湯十許步別池
然後可入湯側有石銘云皇女湯可以療萬疾者也
渚水又東房陽川水出南陽雒縣西房陽川北流注
渚渚水之北有積石焉世謂女靈山其山平地介立

不連岡以成高峻石孤峙不託勢以自遠四面壁絕
極能靈舉遠望亭亭狀若單楹插霄矣北面有如頽
落芳得通步渚水又與波水合水出霍陽西川大嶺
東谷俗謂之歇馬嶺川曰廣陽川非也即應邵所謂
孤山波水所出也其水又南逕蠻城下蓋蠻別邑也
波水又南分三川于白亭東而俱南入渚水渚水自
下兼波水之通稱也是故閩駟有東北至定陵入汝
之文渚水又東南逕魯陽縣故城南城即劉累之故
邑也有魯山縣居其陽故因名焉渚水右合魯陽閼
水水出魯陽閼外分頭山橫嶺下夾谷東北出入渚

東北經魚齒山之陽

汝水東南經汝州魚齒山南又東南經葉縣東北去縣

治一又東魯山縣西吳大嶺之水東流經縣南去縣

里又東經葉縣北去縣又東南合于泝水又東經

舞陽縣東北又東至襄城縣西入于汝晉杜預鎮襄

陽引汝清之水浸良田萬頃

水經注汝水又東北牛蘭水發縣北牛蘭山東南逕

魯陽城東又東南柏樹溪水出魯山北峡谷中東南

流逕魯山西而南合牛蘭水又東南逕魯山南南注

于汝汝水東逕應城南城在魯陽縣彭水注之俗謂

之小潢水出魯陽縣南彭山蟻塢東麓山在魯陽縣東南二十里北流逕彭山西又東北流直應城南而入潢潢水又左合橋水水出魯陽縣北恃山東南逕應山北又南逕應城西謂之應水潢水又東逕犇縣故城北出于魚齒山下春秋襄公十八年楚伐鄭次于魚陵涉于魚齒之下所涉即潢水也又東犇水注之水有二源東源出其縣西南踐犢山東崖下水方五十許步不測其深東北流逕犇縣南又東北屈逕其縣東而北合西源水西源出縣西南顧山北阜下東北逕犇城西又屈逕其縣北東合右水亂流北注于潢潢水又

東南逕昆陽縣故城北

水經東北過潁川定陵縣西北又東過鄆縣南東入于汝注云汝水東逕西不羨亭南亭北背汝水于定陵城北東入汝即縣在南不得過

潁水首受汝東北流枝渠左別為大潁水東注潁

潁水自葉縣東北別于汝東北流枝津左出為大潁水東流經即城縣南又東經商水縣北又東流二十里注于潁

水經注汝水篇汝水東南逕奇頡城西北潁水出焉世謂之大潁水爾雅汝有潁然則潁者汝別也故其

下夾水之邑猶流汝陽之名

潏水章汝水于奇額城西別東派時人謂之潏水東

北流枝瀆右出世人謂之死汝也別汝又東北逕召

陵城北

城在郾城縣東四十五里

練溝出焉汝水又東汾溝出焉

別汝又東逕征羗城

城北縣在郾城縣東南

水南有汾陂俗音

冀汾水自別汝東注而為此陂水積征羗城北四五

里方三十里許瀆左合小潏水水上承狼陂南流名

曰鞏水青陵陂水自陂東注之東迴又謂之小潏水

而南注于大潏水大潏水取稱蓋藉潏汾注而總受

其目矣又東逕西華縣故城南又東逕汝陽縣故城

城在今商水縣西北東注于潁

又東北岐而二左潁東流注潁

潁水自枝津又東北分為二潁左潁東南經鄆城縣南又東經商水縣南又東南經項城縣西又東南經新蔡縣北又東經阜陽縣西北注于潁

水經注潁水章汝水枝津上承汝水別潁于奇頡城東三十里東南逕召陵縣故城南春秋左傳齊桓公師于召陵即此處也城內有大井徑數丈水至清深又東南逕征羗縣故召陵縣之安陵鄉安陵亭也建武十一年以封中郎將來歛歛以征定西羗功故更

名征羗汝水別瀆又東逕公路臺北臺臨水方百步
表術所築汝水別溝又東逕西門城即南利也城北
三十里有熟城號曰北利故瀆出于二利之間間閼
汝陽之縣世名之苑汝縣取水名故曰汝陽又東逕
南頓縣故城水即今商又東南逕鮑陽城北城在今新蔡縣北五
里又東逕泚鄉城北又東逕固始縣故城北今為沈邱縣
地理志縣故寢也寢邱在南在縣南別汝又東逕蔡
岡北在上蔡縣又東北逕胡城南城在今平陽縣而東
歷汝陰縣故城西北即今潁州府東入潁水
右瀆東南流謂之潁水注于汝

瀆水右瀆東南為練溝經郾城縣南又東南經西平
縣東縣北十五里葦陂之水東流注之俗呼周家泊又東
南經上蔡縣東又東南經汝陽縣東北去縣治十里俗呼洪河
為瀆水又東經新蔡縣北去縣治四里又東南注于汝
水經注汝水章瀆水上承汝水別流于竒頤城東東
南流為練溝逕召陵縣西東南流注至上蔡西岡北
為黃陵陂陂東流于上蔡岡東為蔡塘又東逕平輿
縣故城南為瀆水縣舊沈國也有沈亭本汝南郡治
瀆水又東南左逕為葛陂在新蔡縣西北明一統志汝陽縣西南三十里有葛
陂蓋二陂方數十里陂水東出為鮦水俗謂之三丈
縣接境

陂亦曰三巖水水逕鮑陽縣故城南鮑陂東注為富
水水積之處謂之陂塘津渠交絡枝布川隰矣潁水
自葛陂東南逕新蔡縣故城東而東南注于汝

潁水出陽乾山東經箕山之陰

潁水出登封縣東陽乾山山去縣二十五里外方少

室之水皆流合焉漢志潁川郡密高武帝置以奉太

室山是為中岳古文以密高為外方也即古曰密陽

城陽乾山潁水所出東至下蔡入淮過郡三潁川淮

行千五百里密高即今登封陽城故縣在東相去二

十里太室山在登封縣北十里有外方密高之目

少室山在縣西十七里潁水控引山溪東經箕山北
山在縣東南三十里有崤阪關東出陽翟許昌之道
其山亦呼崤嶺

水經潁水出潁川陽城縣西北少室山注云潁水有
三源竒發右水出陽乾山之潁谷春秋潁考叔為其
封人其水東北流中水導源少室通阜東南流逕負
黍亭東春秋定公六年鄭伐馮滑負黍者也馮敬通
顯志賦曰求善卷之所在遇許由于負黍京相璠曰
負黍在潁川陽城縣西北二十七里世謂之黃城也
亦或謂是水為灋水東與右水合左水出少室南溪

東合潁水

水經東南過其縣南注云潁水又東五渡水導源崇
高縣東北太室山東溪春夏雨泛水自山頂迭相灌
澍崿流相承為二十八浦陽旱輟津石潭不耗山下
大澤周數里而清深肅潔水中有立石萬十餘丈廣
二十許步上甚平整其水東南流逕陽城西石溜縈
委溯者五涉故亦謂之五渡水東南流入潁五渡水
在登封
縣東北十五里方輿紀要少陽河在縣西南十五里
源出少室山入潁縣西北八里又有雙溪水源出嵩
山麓亦南潁水逕其縣故城南周八以土圭測日景
流入潁
處縣南對山山上有許由冢潁水逕其北東與龍淵

水合其水導源龍淵東南流逕陽城北又東南入于
潁

又東京禹山之陰

潁水又東經禹州北有禹山在州城北潁水之南

水經注潁水又東平洛溪水發玉女臺下平洛澗呂

忱所謂勺水出陽城山蓋斯水也又東南注于潁潁

水又東出陽城關歷康城南

城在禹州西北三十里

夏少康故

邑也

水經又東南過陽翟縣北注云潁水東南流逕陽關
聚夾水相對俗謂之東西二土城也潁水又逕上棘

城西城在禹州南

又屈逕其城南春秋左傳襄公十八年

楚師伐鄭城上棘以涉潁者也縣西有故堰舊遇潁

水枝流所出也其故瀆東南逕三封山北山在禹州西南二十

里今無水渠中有泉流出時人謂之嵎水東逕三封

山東南歷大陵西連山亦曰啟筮亭即鈞臺也禹在

州城北春秋左傳曰夏有鈞臺之饗是也其水又東

南流水積為陂陂方十里俗謂之臺陂又西南流逕

夏亭城西又屈而南為邾之摩陂潁水自竭東逕陽

翟故城北今禹州治夏禹始封于此為夏國故武王至周

曰吾其有夏之居乎遂營洛邑徐廣曰河南陽城陽

翟則夏地也春秋鄭伯突入于櫟服虔曰檀伯鄭守
櫟大夫櫟鄭之大都宋忠曰今陽翟曰周末韓景侯
自新鄭徙都之王隱曰翟本櫟也故潁川郡治也

又東南潁水出大騾山北來注之

潁水又東南經襄城縣北有潁橋鎮去縣治十五里
俗呼潁水曰渚河又東南經許州西去州治四十里又東南臨潁縣

北潁水出新鄭縣西南大騾山山去縣治四十里國
語所謂主芣騾而食溱洧者也漢志河南郡密故國
有大騾山潁水所出南至臨潁入潁故密城在今密
縣東南三十里地相接也其水東南流經縣南陸山

北山去縣三十里又南經長葛縣西又東南經許州
北去州治二里又東南為陂曰東湖西去州治二十五里
多菱茨魚蝦之利又東南經臨潁縣北而東南注于
潁

水經又東南過潁陽縣西又東南過潁陰縣西南注
云應邵曰縣在潁水之陽故邑氏之潁水又南逕潁
鄉城西潁陰縣故城在東北舊許昌典農都尉治也
在禹州東潁水又東南逕柏祠曲東歷岡邱城南
此南四十里潁水又東南逕繁昌故縣
有脫故潁水又東南逕繁昌故縣
誤故城在今臨潁潁水又東南逕繁昌故縣
北故縣西北三十里曲蠡之繁陽亭也潁水又東南流

逕青陵亭城北北對青陵陂陂縱廣二十里潁水逕其北枝入為陂陂西則潁水注之水出襄縣之邑城下東流注于陂陂水又東入臨潁縣之狼陂潁水又東南而歷臨潁縣也

水經又東南過臨潁縣南又東南過汝南潁強縣北洧水從河南密縣東流注之注云臨潁舊縣也故城在今

縣西北潁水自縣西小隱水出潁水又東南逕澤城十五里

北即古城臯亭郡國志臨潁縣東南長五十里名曰龍牌沃壤可居即今臨潁縣治也宋白曰隋大業四年移縣理臨潁臯寔岡阜也杜預曰繁昌縣東南有

城臯春秋公及諸侯盟于臯鼫者也臯澤字相似名

與字乖耳潁水又東逕潁陽城南潁強城在東北潁水不得逕其北也許州西南有潁強城潁水又東南潁水入焉非潁水也

水經潁水出河南密縣大騮山騮音云大騮即具茨山也潁水出其阿而流為陂俗謂之玉女池東逕陞山北史記魏襄王六年敗楚于陞者也山上有鄭祭仲冢冢西有子產墓墳東有廟竝東北向鄭城祭廟舊有一枯柏樹其廬根故株之上多生稚柏列秀青青望之竒可佳矣潁水又東南逕長社故城西北城在長葛一里縣西南潁北潁二水出焉見潁水潁水又南逕鍾亭西

又南逕皇帝

此處有脫誤

又東南逕關亭西又東南逕宛

亭西鄭大夫宛射之故邑也溪水又南分二水一水

南出逕胡城東故潁陰之狐人亭也其水南結為陵

謂之胡城陂溪水自枝渠東逕曲強東皇陂水注之

水出西北皇臺七女岡北皇陂即古長社之濁澤也

在許州西

其陂水北對雞鳴城

在尉氏縣西南三十里

即長社縣之

濁城也陂水東南流逕胡泉城北故潁陰縣之狐宗

鄉也又東合狐城陂水水上承陂水而東南流注于

黃水謂之合作口而東逕曲強城北東流入溪水溪

水又東逕武亭間兩城相對疑是古之岑門史遷所

謂走犀首于岑門者也徐廣曰潁陰有岑亭未知是
否潁水又南逕射大城東即鄭公孫射大也蓋俗謬
耳潁水又南逕潁陰縣故城西又東逕許昌城南城
許州東三十里又東南與宣梁陂水合陂上承狼陂于潁陰
城西南陂南北二十里東西十里春秋左傳楚公子
伐鄭師于狼淵是也其水東南入許昌縣逕巨陵城
北鄭地也京相璠曰潁川臨潁縣東北二十五里有
古巨陵亭古大陵也在今臨潁縣北三十里其水又東積而為
陂謂之宣梁陂也陂水又東南入潁水潁水又西南
流逕陶城西又東南逕陶陂東

水經東南入于潁

東南得洧川

潁水又東南經西華縣城北又東南洧水注之

水經潁水章又東過西華縣北注云縣北有習陽城
潁水經其南經所謂洧水流注之也

又東南百尺溝首受沙水北來注之

潁水又東南經商水縣北去縣治三十里陳州南去州治十五里百

尺溝于州城東南受沙水別而東南流谷水自城西
陂澤東流經城南注之又東南入于潁

水經又南過汝陽縣北注云縣故城南有汝水枝流

故縣得厥稱矣閩騶曰本汝別流其後枯竭號曰死

汝水潁水又東大滍水注之又東南逕博陽縣城東

城在南頓縣北四十里

在今商水縣東北四十里

水經又東南過南頓縣北滍水從西來注之注云滍

水于樂嘉縣入潁

博陽王莽更多樂嘉

不至于頓頓故頓子國

也

即今商周之同姓潁水又東南逕陳縣南

今陳州

東南左會交口者也

水經又東南至新陽縣北蕞蕞渠水從西北來注之

注云經云蕞蕞渠者百尺溝之別名也南合交口新

溝自是東出潁上有堰謂之新陽堰新溝自潁北東

出縣在水北應邵曰縣在新水之陽今縣故城在東明潁水不出其北蓋經誤耳

水經注渠水章沙水南屈逕陳城東謂之百尺溝又南分為二水沙水出焉溝水東南流谷水注之水源上承潞陂陂在陳城西北南暨華城皆為陂矣陂水東流謂之谷水東逕潞城北王隱曰北有谷水是也犂即櫟矣經書公會齊宋于櫟者也杜預曰櫟即犂也在陳縣西北為北櫟小城也在陳郡西南華城在犂城南谷水又東流逕陳城南又東流入于沙沙水又東南流注于潁謂之夾口水次有大堰即古百尺堰也蓋

新水首受潁于百尺溝故堰兼有新陽之名

東南入于淮

潁水又東南經項城縣東又東南經沈邱縣東北治五里又東南經阜陽縣西北逕為陂澤曰西湖長十里廣二里又東經城北又東經留陵驛去縣治六十里又東南經潁上縣西北江口驛去縣治五十里為水陸衝要又東南經城東又東南至正陽鎮入于淮水經注潁水自東堰南流逕項縣故城北故城在今項城縣東北六里又東右合谷水水上承平鄉諸陂東北逕南頓縣故城南側城東注今其城在頓南三十里又東逕

項城中楚襄所郭以為別都都內西南小城項縣故
城也舊潁州治谷水逕小城北又東逕刺史賈陸祠
北祠在小城東又東流出城東注潁潁水東側潁有公路
城潁水又東逕臨潁城北城臨水闕南面又東逕雲
陽二城間南北翼水又東北逕邱頭邱頭南枕水魏
書郡國志曰宣王軍次邱頭王凌面縛水次故號武
邱矣潁水又東南于故城北細水注之水上承陽都
陂沙水所積為陂陂水枝分東南出為細水東逕新陽縣故
城北又東南逕宋公縣故城北城在泰和縣西四十里亦曰潁陽城
秦伐魏取鄆邱為是邑矣漢成帝綏和元年詔封殷

後于沛以存三統平帝元始四年改曰宋公章帝建
初四年徙邑于此故號新鄣為宋公國也細水又南
逕細陽縣故城在阜陽縣西北四十里新溝注之溝首受交口東
北逕新陽縣故城南今無水故渠舊道而已東入澤
渚而散流入細細水又東南逕細陽縣故城南又東
南積而為陂謂之次塘公私引裂以供田溉又東南
流屈而西南入潁潁水又東南流逕胡城東故胡子
國也在阜陽縣西北二里又東南汝水枝津注之又東逕汝陰
縣故城北城西有一城故陶邱也

水經又東南至慎縣東南入于淮注云潁水東南流

左合上吳百尺二水俱承次塘細陂南流注于潁潁
水又東南江波水注之水受大滌陂陂水南流積為
江陂南逕慎城西城在潁上側城南流入于潁潁水
又逕慎縣故城南縣故楚邑潁水又東南逕蜩螳郭
東俗謂之鄭城在潁上縣南宋白曰南北朝畫淮為
縣南故鄭城置潁上縣防莫謹于此隋大業三年于今
唐武德初移于今治方輿紀要云潁水舊城在今縣
北十二里臨汝河基址猶存則又東南入于淮春秋
今城入非唐初所移之城矣

楚子次于州來次于潁尾蓋潁之會淮也

洧水出陽城山東得溱水

洧水出登封縣北陽城山山去縣治三十八里左氏

春秋司馬侯曰四嶽三塗陽城太室九州之險也亦曰馬領山其水東流經密縣南去縣治十五里又東漆水自

左注之

俗呼雙泊河

水經洧水出河南密縣西南馬領山注云水出上下亦言出潁川陽城山山在陽城縣之東北蓋馬領之統目焉洧水東南流逕一故臺南俗謂之陽子臺又東逕馬領塢北在山上塢下泉流北注亦謂洧別源也而入于洧水洧水東流綏水會焉水出方山綏溪即山海經所謂浮戲之山也東南流逕上郭亭南注洧洧水又東襄荷水出北山子節溪東南注于洧洧

水又東會避滴泉水出深溪之側泉流大餘懸水散注南流入洧

水經東南過其縣南注云洧水又東流南與承雲二水合俱出承雲山二源雙導東南流注于洧世謂之東西承雲水洧水又東微水出微山東北流入于洧洧水又東逕密縣故城南城在今縣東南三十里春秋謂新城洧水又左會璵泉水水出王亭西北流注于洧洧水又東南馬關水出王亭下東北流歷馬關又東北注于洧洧水又東武定水北武定武定岡西南流又而東南逕鳥塢西側塢東南流塢側有水懸流赴壑一匹有

餘直注澗下淪積成淵東南流入于洧洧水又東虎
牖山水發南山虎牖溪東北流入洧洧水又東南赤
澗水出武定岡東南流逕皇臺岡下又歷岡東東南
流注于洧洧水又東南流漕水注之

又東南得黃水

洧水又東南經陰阪之北其地在新鄭縣西又東經
縣南又東南黃水自左注之

水經注洧水又東南逕鄆城南

城在密縣東北五十里

劉禎云

鄆在豫州外方之北北鄰于虢徐曰鄆在密縣姁姓
矣不得在外方之北也洧水又東逕陰阪北水有梁

為俗謂是濟為參辰口左傳晉師伐鄭濟于陰阪次

于陰口而還是也

縣在新鄭西

水經又東過鄭縣南潛水從西北來注之注云洧水

又東逕新鄭故城中

城在今新鄭縣西北

又東為洧淵水今洧

水自鄭城西北入而東南流逕鄭城南又東與黃水合經所潛水非也

東南入于潁

洧水又東經長葛縣北

去縣治三里

又東南經洧川縣南

又東南經鄆陵縣南又東南經扶溝縣西又東南經西華縣東入于潁漢志潁川郡陽城陽城山洧水所

出東南至長平入潁過郡三行五百里長平故城在
今西華縣東南十八里

水經又東南過長社縣北注云洧水東南流南濮北

濮二水入焉

首受潁水川渠雙引俱東注洧

洧水又東南龍淵水出

長社縣西北有故溝上承洧水水盛則通注龍淵水

減則津渠輟流其瀆中溢泉南注東轉為淵渌水平

潭清潔澄深俯視游魚類若乘空矣又東逕長社縣

故城北鄭之長葛邑也魏潁川郡治稱諸故詭縣無

龍淵水名蓋出近世京相璠曰春秋土地名曰長社

北界有稟水是水導源隍塹中非北界之所謂又按

京社地名竝云長社縣北有長葛鄉斯乃縣徙于南
矣然則是水即稟水也其水又東南逕棘城北左傳
所謂次于棘澤者也稟水又東左注洧水洧水又東
分為二水其枝水東南流注沙一水東逕許昌縣故
許國也在許州東三十里又東入汶倉城內俗以是水為汶
水故有汶倉之名非也蓋洧水之即閭耳洧語洧之轉洧
水又東逕陰陵縣故城南李奇曰六國為安陵也今鄆
陵縣西北十五里有安陵城洧水又東隱陵陂水出隱陵南陂東
西南流注于洧
水經又東南過新汲縣東北注云洧水自隱陵東逕

桐邱南屈而南流又東南逕桐邱城

在扶溝縣西二十里

京相

璠曰西南去許昌故城可三十五里其城南即長隄

洧水

之北防也又東逕新汲縣故城北城在洧水南

隄上

方輿紀要新汲城在洧川縣南于水洧之次不協應在扶溝界

又東洧水右逕

為獲陂洧水又逕匡城南扶溝之匡亭也

方輿紀要匡亭在洧

川縣東北亦于水洧之次不協又東洧水右逕謂之大穴口

水經又東南過茅城邑之東北注云洧水自穴口東

南逕洧陽城西南逕茅城東北又南左合庾溝溝上

承洧水于大穴口東北枝分東逕洧陽故城南又東

南為鴨陂陂廣十五里餘陂南入甲庚溝西注又東北

鴈沙洧水又南逕一故城西世謂之思鄉城西去洧水十五里洧水又右合獲陂水上承洧水于新汲縣南逕新汲縣故城東又南積而為陂陂之西北即長舍城陂水東翼洧隄西面茅邑自城北門列築隄道迄于此岡世尚謂之茅岡即今所謂茅邑地也陂水北出東入洧津西納北異流
水經又東過習陽城西折入于潁注云洧水又東南逕辰亭東京相璠曰潁川長平有故辰亭杜預曰長平縣東南有辰亭今此城在長平城西北長平城在東南長平東南淋陂北畔有一阜東西減里南北五

五十許步俗謂之新亭臺又疑是社氏所謂辰亭而
未之詳也洧水又南逕長平縣故城西又南分為二
水枝水東出謂之五梁溝逕習陽城北又東逕赭邱
南邱上有故城又東逕平城南東注潞波洧水南出
謂之雞籠水故水會有籠口之名矣洧水又東逕習
陽城西西南折入潁

漆

水出鄆虛之西北東南流注于洧

漆說文
作潧

漆水出密縣東北東南流經鄆城西又南注于洧
水經潧水出鄭縣西北平地注云潧水出鄆城西北
雞絡塢下東南流逕賈復城西東南流左合漆水水

出賈復城東南流注于潞水又南左會承雲山水水
出西北承雲山東南歷澤于岡東注世謂岡峽為五
鳴口東南流注于潞潞水又東南流歷下田川逕鄆
城西謂之為柳泉水也又南懸流奔壑崩注丈餘其
下積水成潭廣四十許步淵深難測又南注于洧詩
所溱與洧者也

水經東過其縣北又東南過其縣東又南入于洧水
注云自鄆潞東南更無別瀆不得逕新鄭而會洧也
鄭城東入洧者黃洧水也蓋經誤證耳
黃水出鄭虛之西北東南注于洧

黃水出新鄭縣西大山

一名自然山

山去縣治二十五里

東南流經華城西又東南經鄭城東又東南經燭城
西而南注于洧

水經注黃水出大山南黃泉東南流逕華城西史伯
謂鄭桓公曰華君之土也常昭曰華國名矣黃水東
南流與上水合水出兩塘中一源兩分泉流派別東
為七虎澗水西流即是水也其水西南注于黃水黃
即春秋所謂黃雎也又東南流水側有二臺謂之積
粟臺臺東即二水之會也捕章山水西流注于黃水
黃水又南至鄭城北東轉于城之東北與黃溝合水

出捕章山東南流至鄭城東北入黃水黃水又東南
逕龍淵泉東南七里溝水注之水出隙侯亭東南平
地東注又屈而南流逕升城東又東南歷燭城西即
鄭大夫燭之武邑也又南流注于洧